

მუხლი 1. კონკურსში მონაწილეობის წინაპირობები

1. საგრანტო კონკურსში მონაწილეობისათვის პირი ვალდებულია აკმაყოფილებდეს ყველა შემდეგ წინაპირობას:

ა) იყოს საქართველოს მოქალაქე;

ბ) ფლობდეს საშუალო განათლებას ან იმყოფებოდეს დამამთავრებელ, მე-12, კლასში;

გ) ერთიანი ეროვნული გამოცდების პრიორიტეტების ჩამონათვალში პირველ ადგილზე მითითებული ჰქონდეს შპს „ბაუ ინთერნეიშენალ უნივერსიტი, ბათუმი“.

მუხლი 2. წარმოსადგენი დოკუმენტაცია

1. საგრანტო კონკურსში მონაწილეობისათვის პირი ვალდებულია წარმოადგინოს შემდეგი დოკუმენტაცია:

1.1. პირადობის მოწმობის ან პასპორტის ასლი;

1.2. ერთიანი ეროვნული გამოცდების პრიორიტეტების ჩამონათვალში სასწავლო უნივერსიტეტის პირველ ადგილზე მითითების დამადასტურებელი დოკუმენტი;

1.3. CV ფოტო სურათით;

1.4. სამოტივაციო წერილი (არანაკლებ 300 სიტყვა);

1.5. 2 (ორი) სარეკომენდაციო წერილი (რეკომენდატორთა საკონტაქტო ინფორმაციის მითითებით), რომელთაგან 1 (ერთი) უნდა იყოს კლასის დამრიგებლისაგან;

1.6. აკადემიური მოსწრების დამადასტურებელი დოკუმენტები;

1.7. სხვა აქტივობების (ოლიმპიადა, კონფერენცია, პროექტი, მათ შორის სატელევიზიო) დამადასტურებელი დოკუმენტები.

2. პირი ვალდებულია ამ მუხლის 1.3, 1.4, 1.5 და 1.6 პუნქტებში მითითებული დოკუმენტები წარმოადგინოს ინგლისურ ენაზე.

3. პირი ვალდებულია დოკუმენტები წარმოადგინოს დედნის ან მისი ნოტარიულად დამოწმებული ასლის სახით, გარდა იმ შემთხვევებისა, როცა შესაბამის მუხლში პირდაპირაა მითითებული ასლის წარმოდგენის შესაძლებლობის შესახებ.

მუხლი 3. განაცხადების შეფასება

1. საგრანტო კონკურსის ფარგლებში, კონკურსანტი შეფასდება 100 (ასი) ქულიანი სისტემით, საიდანაც 50 (ორმოცდაათი) ქულით შეფასდება წარმოდგენილი დოკუმენტაცია, ხოლო 50 (ორმოცდაათი) ქულით - კონკურსანტთან გასაუბრება.

2. დოკუმენტაციის შეფასებისას მხედველობაში მიიღება პირის აკადემიური მოსწრება, განხორციელებული აქტივობები და სასწავლო უნივერსიტეტში სწავლის გაგრძელების მოტივაცია.

3. გასაუბრების შეფასებისას მხედველობაში მიიღება პირის კომუნიკაციის უნარ-ჩვევები და ინგლისური ენის ცოდნის დონე.

მუხლი 4. გრანტის ოდენობა და ზღვრული რაოდენობა

1. საგრანტო კონკურსის ფარგლებში გაიცემა 30 (ოცდაათი) და 40%-იანი გრანტი, რომლის მოპოვებისათვის პირმა შესაბამისად უნდა დააგროვოს **71-80** და **81-100** ქულა.
2. სასწავლო უნივერსიტეტი უფლებამოსილია საგრანტო კონკურსის ნებისმიერ ეტაპზე დაადგინოს გასაცემი გრანტის ზღვრული რაოდენობა რა შემთხვევაშიც, გრანტი მიენიჭება საუკეთესო შედეგების მქონე კონკურსანტებს.

მუხლი 5. საგრანტო კონკურსის ვადები

1. საგრანტო კონკურსში მონაწილეობისათვის დადგენილი დოკუმენტები მიიღება 2023 წლის 18 აპრილიდან 15 მაისის ჩათვლით. აღნიშნულ ვადაში არასრულად წარმოდგენილი განაცხადი ან ამ ვადის შემდეგ წარმოდგენილი განაცხადები არ განიხილება.
2. წარმოდგენილი დოკუმენტები საგრანტო კომისიის მიერ შეფასდება 2023 წლის 31 მაისამდე.
3. კონკურსანტებთან, რომლებიც დოკუმენტების შეფასების ეტაპზე დააგროვებენ არანაკლებ **50** ქულას, 2023 წლის ივნისში ჩატარდება გასაუბრება.
4. საგრანტო კომისიის მიერ გამარჯვებული კონკურსანტების შესახებ გადაწყვეტილება გამოქვეყნდება არაუგვიანეს 2023 წლის 18 ივლისისა.

მუხლი 6. საგრანტო კომისიის შემადგენლობა

1. კონკურსანტების შეფასებასა და გამარჯვებული კონკურსანტების შესახებ გადაწყვეტილებას იღებს საგრანტო კომისია შემდეგი შემადგენლობით:
 - 1.1. მედიცინის ფაკულტეტის დეკანი - **ლელია ახვლედიანი**;
 - 1.2. ხარისხის უზრუნველყოფის სამსახურის უფროსი - **ანი ქვათაძე**;
 - 1.3. სტუდენტთა მომსახურებისა და კარიერული მხარდაჭერის სამსახურის უფროსი - **ანა ჯაფარიძე**;
 - 1.4. საერთაშორისო ურთიერთობების დეპარტამენტის სპეციალისტი-**გიორგი ნიჟარაძე**;
 - 1.5. სტუდენტური თვითმმართველობის დელეგატი - **ალექსანდრე ქარცივაძე**;

მუხლი 7. საჩივრების განმხილველი კომისია

1. საგრანტო კონკურსის სასწავლო უნივერსიტეტის „სწავლის დაფინანსების მოპოვების წესი“-სა და ამ დებულებით დადგენილი პირობების მოთხოვნათა დაცვით ჩატარების მონიტორინგისათვის, საგრანტო კონკურსში ჩართულ ნებისმიერ პირს უფლება აქვს საგრანტო კომისიის საბოლოო გადაწყვეტილება გაასაჩივროს საჩივრების განმხილველ კომისიაში, მისი საჯაროდ გამოქვეყნებიდან 3 (სამი) დღის ვადაში.
2. საჩივრების განმხილველი კომისია საჩივარს განიხილავს მისი მიღებიდან 5 (ხუთი) დღის ვადაში, შემდეგი შემადგენლობით:
 - 2.1. იურისტი - **ლაშა აბაშიძე**;

2.2. სტუდენტური თვითმმართველობის პრეზიდენტი/სტუდენტური ომბუდსმენი - მოჰამედ ნურ;

2.3. აკადემიური საბჭოს წევრი - ლევან მეტრეველი.

მუხლი 8. გრანტის ამოქმედების წინაპირობები

1. გრანტის ამოქმედება გულისხმობს საგრანტო კონკურსში გამარჯვებული კონკურსანტის მიერ ფინანსური შეღავათით სარგებლობის უფლების მოპოვებას.

2. გრანტის ამოქმედების წინაპირობას წარმოადგენს:

ა) კონკურსანტის სასწავლო უნივერსიტეტში ჩარიცხვა;

ბ) კონკურსანტის უცხოეთში მიღებული განათლების უფლებამოსილი ორგანოს მიერ აღიარება (ასეთის არსებობის შემთხვევაში);

გ) საგრანტო კონკურსში წარმოდგენილი დოკუმენტაციის ნამდვილობის შესაბამისი ფორმით დადასტურება.

მუხლი 9. დასკვნითი დებულებები

1. საგრანტო კონკურსის ფარგლებში არასწორი ან/და ყალბი ინფორმაციის წარმოდგენის შემთხვევაში, საგრანტო კონკურსის კომისია გამოიტანს გადაწყვეტილებას კონკურსანტის დისკვალიფიკაციის შესახებ.

2. საგრანტო კონკურსთან დაკავშირებული საკითხები, რომელიც არ განისაზღვრება ამ დებულებით, რეგულირდება სასწავლო უნივერსიტეტის „სწავლის დაფინანსების მოპოვების წესი“-ს შესაბამისად.

3. სასწავლო უნივერსიტეტი უფლებას იტოვებს საგრანტო კონკურსის ნებისმიერ ეტაპზე შეცვალოს საგრანტო კონკურსის პირობები, დაადგინოს დამატებითი მოთხოვნები ან/და გააუქმოს კონკურსი.

დანართი №

	სახელი გვარი	ორი სარეკომენდა ციო წერილი	სამოტივაციო წერილი	სხვა აქტივობა	აკადემიური მოსწრება	გასაუბრება	შემფასებლის კომენტარი
1							
2							
3							
4							
5							

კომისიის წევრის სახელი გვარი/ხელმოწერა

დანართი №

კონკურსანტთა შეფასების ჯამური ფორმა

	კონკურსანტთა სახელი გვარი	კომისიის წევრთა სახელი გვარი	კომისიის წევრთა სახელი გვარი	კომისიის წევრთა სახელი გვარი	კომისიის წევრთა სახელი გვარი	კომისიის წევრთა სახელი გვარი	შეფასების საშუალო არიტმეტიკ ული
1.							
2.							
3.							
4.							
5.							
6.							

კომისიის თავმჯდომარის სახელი გვარი /ხელმოწერა